


Euskal AEn heriotzak %2,4 gehitu ziren 2014an

Azken hamarkadan gizonen bizitza 4 urtez luzatu da batez beste eta emakumeena 2z

2014an 20.157 pertsona hil ziren Euskal AEn, 2013an baino %2,4 gehiago, Eustaten datuen arabera. 10.177 gizon eta 9.980 emakume hil ziren. Heriotzarik gehien (2.037) urtarrilean; gutxien (1.475) irailean.

2014an 100 urtetik gora hildako 326 pertsonen artean, %88,3 emakumeak. Ehun urtetik gora hildakoen kopuruak gora egin du azken urteotan; goia, 2014an.

1. grafikoa: ehun urtetik gorako pertsonen heriotzak, sexuaren arabera, 1996-2014



Iturria: Eustat. Heriotzen estatistika

Hildako emakumeen batez besteko adina, 82,6 urte; gizonena 76,2

2014an zehar hildakoen batez besteko adina, 79,3 urte; 2004an, 76,2; 3,1eko gehikuntza azken hamarkadan.

Hiltzean, gizonen batez besteko adina 76,2 urte; emakumeena 82,6, 2014an. 2004an, 72,2 eta 80,6. Azken 10 urteetan gizonen bizitza 4 urtez luzatu da batez beste, eta emakumeena 2z.

Jaiotzak, 779 gutxiago heriotzak baino. Saldo negatiboak Bizkaian eta Gipuzkoan, 1.415 eta 164 biztanle gutxiago; Araban 800 gehiago.

Urtebetetik beherako 43 haur hil ziren Euskal AEn. Bizitzako lehen 28 egunetan 29 haur hil ziren; 5 lehen 24 orduetan; 12 lehenengo astean. Urtebetetik beherakoen artean, neskatoak %53,5.


Heriotzen %58,3 tumoreek eta zirkulazio aparatuko gaixotasunek eraginda

Tumoreek heriotzen %31,6 (6.360) eragin zituzten 2014an; zirkulazio-aparatuko gaixotasunek %26,7 (5.388), eta hirugarren, urrunago bada ere, arnas aparatuko gaixotasunek %9,3 (1.868). Gaixotasun garrantzitsuenen hiru talde hauen prebalentzia aldatuz joan da azken hamarkadan: tumoreek eta arnasbideetakoek eragindakoak %16,1 eta %4,5 gehitu dira; kardiobaskularrek %6,7 gutxitu.

Heriotzen kausak bestelakoak bi generoetan: gizonezkoen artean, tumoreak hilgarriago gertatu ziren zirkulazio-aparatuko gaixotasunak baino; emakumezkoen artean kardiobaskularrak aurrena, tumoreak bigarren.

Halaber, adinaren arabera bada alderik. Urtebetetik beherakoen artean, heriotzarik gehien jaiotza-inguruko gaixotasunek eta malformazio kongenitoek eragin zituzten; 40 urte arte, heriotza-kausa nagusiak kanpokoak izan ziren, tartean istripuak eta buruhiltzeak; 40 urtetik 80 urtera, tumoreak, eta 80 urtetik aurrera, zirkulazio-aparatuko gaixotasunak.

2. grafikoa: heriotzak kausa eta sexuaren arabera (%). 2004 eta 2014



Iturria: Eustat. Heriotzen estatistika

Infartuak eragindako hilak heren batez gutxitu dira azken hamarraldian

Zirkulazio-aparatuko gaixotasunen artean, infartua urrituz joan da heriotza-eragile gisa. 2004an, 784 pertsona hil ziren; 2014an, 531; %32,3ko jaitsiera.

Alzheimerrak 696 heriotza eragin zituen 2014an

Heriotzak eragiten dituzten taldeen artean azken hamarkadetan gehien hazi direnak asaldur mentalak eta nerbio-sistemaren gaixotasunak ditugu. Azken hamar urteetan, dementziek eragindako heriotzak %52 gehitu dira (1.192 2014an), eta endekapenezko gaixotasunen artean Alzheimerrak eragindakoak %42.

Alzheimerrak eragindako heriotzetan, %69,8 emakumeak (2014an 486); %30,2 (210) gizonak.

Trafiko-istripuek murriztuz jarraitzen dutelarik, nork bere buruaz beste egitea da kanpo heriotza-kausarik aurrenekoa

Azken hamarraldian horrenbeste (%74,4) gutxitu da trafiko-istripuengatik heriotza kopurua ezen ekarri baitu nork bere burua hiltzea aurreneko kanpo heriotza-kausaz izatea azken urtean. Trafiko istripuen heriotza kopurua: 50. Buruhiltzeak: 186. Buruhiltze-kopurua %8,8 gehitu da 2004tik (orduan 171).

123 gizonek egin zuten bere buruaz beste, 63 emakumek; istripuetan, 37 gizon eta 13 emakume hil ziren.

1. taula: Heriotzak sexuaren arabera, kausari jarraiki. 2014

	Gizonezkoak		Emakumezkoak	
	Kop.	%	Kop.	%
Kausa guztiak	10.177		9.980	
Gaixotasun infekzioso eta parasitarioak	146	1,4	175	1,8
Tumoreak	3.854	37,9	2.506	25,1
Guruin endrokinoetako, elikaduraren eta metabolismoaren gaixotasunak	235	2,3	353	3,5
Trastorno mentalak eta portaeraren trastornoak	390	3,8	802	8,0
Nerbio-sistemako gaixotasunak	508	5,0	783	7,8
Zirkulazio-sistemako gaixotasunak	2.520	24,8	2.868	28,7
Arnas sistemako gaixotasunak	1.017	10,0	851	8,5
Txegoste-sistemako gaixotasunak	458	4,5	490	4,9
Sistema genitourinarioko gaixotasunak	237	2,3	251	2,5
Zantzu, zeinu eta aurkikuntza anormalklinikoak eta laborategikoak	209	2,1	382	3,8
Kanpoko heriotza-arrazoak	440	4,3	271	2,7
Beste batzuk	163	1,6	248	2,5

Iturria: Eustat. Heriotzen estatistika

Informazio gehiago:

Eustat - Euskal Estatistika Erakundea / Instituto Vasco de Estadística

Donostia-San Sebastián, 1. 01010 Vitoria-Gasteiz

Prentsa zerbitzua: servicioprensa@eustat.es Tel.: 945 01 75 62

Euskal AEKo heriotzen estatistikari buruzko prentsa-ohar gehiago

Euskal AEKo heriotzen estatistikari buruzko datu-bankua